

PROGRAMMA

IO. PHILIPPI SLEVOGTII, D.

In Academia Ienenſi antecesſoris, Facul-

tatis iuridicæ & Scabinatus Senioris, illiusque

hoc tempore DECANI

Lectiōi auſpicali

ANDRÆ FRIDERICI MYLII

Candidati iuris vtriusque clarissimi

præmiſſum.

IENAE, M-DCCVI

LITTERIS GOLLNERIANIS



SOLLEMNE documentum studiorum, quibus ad summos in Academiis honores iuuentus proficit, daturus est, eaque gratia, Deo volente, consueta crastini hora, in publica iureconsultorum cathedra sistetur, ANDREAS FRIDERICVS MYLIVS, candidatus iurium clarissimus. Delegit vero, in experimentum virium, legem VII Cod. *De bonis qua liberis*: dignam, cuius occasione, de parentum in liberorum bonis iure, luculentius commentetur. Habent enim parentes, a primo liberorum ortu, in ipsas personas, certam potestatem; & si quid ad eos rerum peruenerit, de his statuendi arbitrium. Quod quum iure naturæ ac gentium aliud; aliud diuersorum populorum legibus, & in patribus præcipue singulare, olimque prorsus enorme, iure Quiritium noscatur; est omnino prudentis legum, scire singula probe discernere.

Atque in vniuerso cuiusque ciuitatis iure id cauendum, ne eodem omnia loco ducantur; confusis temere & naturalibus & mere ciuilibus decretis. Quam in rem, postquam Hugonis Grotii *De iure belli ac pacis* immortale opus prodiit, ut & succenturia aliorum operum; plurimum nacti sumus præsidii. Tametsi, quo acutior quisque ingenio fuit, eo audivit a populari via recessit, & ante ceteros videri voluit sapuisse. Tanto subinde eorum, qui incautius legunt, & cum primis minus habent eruditionis ac iudicii, periculo, ut in-
-tu sint viri prudentissimi, ne progressu audaciæ, quisque sibiingat, pro capto, aut affectu suo velis, iurisprudentiam.

Enimvero, quum neminem habeamus iuris naturalis certio-
-riorem magistrum atque interpretem, quam ipsum DEVM: litterario orbi consulunt, qui dogmatum suorum Sacras litteras normam: ne pro naturæ principii ac præceptis nobis suæ quidem rationi pulchre consonent; at diuini auctoritate ve-
-queant defendi. Quumque satis constet, tam imbecillam, & oribus obnoxiam esse humanam mentem, ut sæpe, quod rationi sanæ vel maxime videbatur conforme, a vero procul aberret: cur non tutissima incedamus via, & Lydium illum statuamus lapidem, ad quem commenta nostra exigamus?

Fatemur sane, cum Sacrarum litterarum, & tam noui quam veteris Instrumenti, scopum non esse, ut tradat disciplinam iuris naturalis; neque illæ prohibent, quo minus hæc ad genuinæ leges methodi concinnetur. Gentes etiam, veri Dei ignaræ, argui violatæ legis naturæ ex merito nequeant, nisi ad eandem cognoscendam, haud o-

pus

pus foret reuelata religione. Attamen tradi nihil omnino debet, tanquam principium iuris naturæ; nihil tanquam ab eo præceptum, aut vetitum, permisumve, quod moralibus Scripturæ sacræ principiis ac regulis aduersetur. Tenebras etiam iure vocaueris, quod destituitur in his verbi diuini assensu & luce. Quas qui vltro importat iuris naturalis doctrinæ, dum poterat rationem suam longe certius illustrare: minus quam vel vulgus profanorum est excusandus.

Porro & hoc largimur, debere gentes a Christianis sacris alienas, atque insuper litterarum omnium rudes, eam sequi vitæ rationem, vt tamen ne nomen quidem iuris naturæ, siue vniuersalis, audierint, nihil huic repugnans admittant. An ergo fas sit Christiano homini, naturæ leges, ex quibuscunque placuerit principiis, deriuare? Verissima indaganda & tenenda est via. Nec satis fuerit, vendicare hæc & illa pro rectæ principii rationis, ac speciose tueri eadem posse. Profecto in tam multiplici ingeniorum varietate, tamque pronis plerisque ad disensum, nulla datur, in hoc quidem genere, certior rationis nostræ norma, quam diuinarum litterarum auctoritas. Huic quicunque actus conueniunt, aut repugnant, eos tu securus honestos statue vel turpes, & iure naturæ iustos aut interdictos, siue accipiant dogmata tua ignari, vel contemptores Scripturæ sacræ, siue repudiant. Nam ad hoc quidem es natus, vt inservias aliis: sed sine dispendio veritatis; sine dispendio cultus & obsequii, quod debentur Deo. Neque tua tunc vel leuissima culpa subest, si quæ dis præcepta, alii aspernentur. Sibi namque ipsis obstant omnia, quod verum esse, submotis prauis opinionibus, facile noscitur, obstatine nolunt videre, tenebras accenso sibi lumini præferentes.

Equidem cum Mahumetanis, & qui vel gentilia vel nulla sunt sacra, tam pacis, quam belli negotia Christianis intercedunt: communemque habemus omnes actionum regulam, siue opinionem. Nemo etiam hostis loco est habendus, quia in sacris a nostra, solamque opinionem sectatur. Tunc igitur illorum a via regia, & fundamenta ponas doctrinæ tuæ, quæ aut palam nulla, aut solam veri speciem præferunt, plena periculi, & pesimarum consequentiarum? Neque enim spes est, fore vt libros tuos legant, velintque inde erudiri. Itaque eorum potissimum ratio est habenda, quorum in ora & manus certus es venturas tuas lucubrationes: qui utique Christiani sunt. Gentes etiam, & quos non dispari multum loco habemus, cum Mahumetanis Iudæi, quidnam tibi iure naturæ fas aut nefas esse videatur, quæque ex solo rationis tuæ

lumine, siue recte; siue peruerse, docueris, nihil pensi habent. Neque opus sibi credent, siue in commerciis, siue media inter arma, te doctore: vilitate præcipue metientes omnia; cuius ratio homini non obtusissimò, nedum intellectu acri præditis, facile patet. Ergo frustra es; & insuper illorum, qui te ductorem expetunt, qui te vel audiunt, vel legunt; contra sapientis viri officium corruptor.

Nequaquam tamen illud volumus, doctrinam iuris naturæ, quia profanæ gentes, & Mahumetani, & Iudæi, libros Christianorum haud curant, ita tractandam esse, vt intelligi ab iisdem, licet voluerint, haud possint; aut vt disciplina, quæ ad vniuersum genus humanum pertinet, reddatur particularis. Quid enim, si vera sunt, quæ tradimus? Hoc tantum nostri est officii, nihil non facere, ex quo diuini nominis gloria queat amplificari; & cauere serio, ne vlla in re gloriæ huic obstemus. Plus etiam profuturus est generi humano, qui ad Sacrarum amorem litterarum, & sincerum Numinis cultum, manu quasi lectorem ducit; quam qui nimio profanis placendi studio excogitat sapientiam, vt aberrantem longius a purissimis veritatis fontibus, ita magis magisque Christianorum animos corrumpentem.

Tradendæ quoque sunt artes, ac scientiæ; quod non diffitemur, ea ratione, quam cuiusque natura postulat: at vero iuris naturalis doctrina non ea est indole, vt ex Christianæ religionis dogmatibus nequaquam debeat vel illustrari vel emendari. Neque enim aliud docet nos DEVS per sanæ mentis lumen, quam quæ in veteri nouoque Instrumento vel vt honesta præcipit, vel vt turpia vetat, quæque tantquam *ad id quod oportet* permittit.

Concedimus porro, doctrinam iuris naturalis vltra captum humanæ rationis non debere adscendere: sed ita demum, si ratio in se spectetur; non, qualis in hoc istove, & plerisque est hominibus. Nam sæpenumero, qui sibi, qui etiam aliis vel maxime videtur sapere: vere aut stupidus est, aut quod deterius stupore, prorsus delirat. Illud hinc cauendum, ne supra vires humanæ rationis ponamus, quod Caius, quod Seius, siue hebetiores fuerint, siue opinionibus occupati, non assequuntur. Siquid igitur in Sactis litteris transcendere censeretur captum nostri intellectus, aut longius a vulgaribus principiis abire: non illico negandum est, ad iuris naturæ disciplinam pertinere. Remoue duntaxat inueteratas, sed conceptas falso opinionis: & agnosces, quæ Sacra tibi pagina inculcat, omnino a sana ratione præcipi. Quæ ingenerata olim; sed corrupta postmodum, aut obsita tenebris: ex quo vel primorum parentum lapsu, vel edu-

catione mala ac moribus, deprauata est natura nostrorum omnium, aut saltem tua, similitumque.

Profecto data opera stupet, qui non agnoscit, esse vere ali- quod Numen, cuius immensæ & potentis & sapientis debeatur, quidquid est in rerum natura. Qui non agnoscit, huic summo Nu- mini acceptionum referri debere, quidquid sumus ac valemus. Hoc- que ipsum ineffabili cura ac providentia sustentare, seruare & regere cuncta: huius nutui patendum esse: huius honori ac gloriæ vnice consecrandum quidquid cogitamus, agimusque. Crodasne igitur, huic Numini placere posse, vt primam quasi naturæ sanciret legem, bel- lum in omnes omnium? Huic, quanta quanta eius sit sapientia & sanctitas, submota lege sua, moraliter indifferentes esse hominis actio- nes omnes: vt quamuis posita natura ipsius rationali (neque enim si- ne ea esse homo potest) nihil moraliter referat, siue conuenienter vi- uat illi naturæ suæ, siue in contraria omnia nitatur; siue colat DE- VM, siue contemnat. Vt hoc pacto, respectu naturæ hominis, qua- tenus rationalis est; aut respectu DEI, ad cuius imaginem homo crea- tus; moraliter nihil intercedat, quo minus iuberi queant quævis natu- ræ hominis contraria, & vel extremus Numinis ipsius contentus.

Iterum, iterumque dico, non naturæ ipsius, a DEO acceptæ, culpa, sed suo vitio stupet, qui non agnoscit, quo magis conueniunt iuris naturalis dogmata, e principiis genuinis deducta, cum diuinarum præceptis literarum, hoc magis probari eadem DEO, magisque cet- ta habenda esse ac firma. Ex aduerso, non iuris naturæ, id est, san- ctæ rationis, sed lasciuiantis, aut absurdi ingenii dictata sunt, quæ- cunque, a DEI sanctissimo verbo, quoque longius recedunt. Ergo doctrina quidem, ad rationis humanæ captum adornata; sed quæ prætextu illo errores, & arguta somnia, corruptendis imperitorum animis nata, orbi obtrudit, e Christianorum scholis proscribenda est. Nemo enim tam fuerit rigidus, vt cura promouendæ Christianæ rei, omnem e scholis iuris naturæ disciplinam; nisi Sacræ scripturæ il- lustrata fuerit testimoniis, statuatur exterminandam. Illi tantum impro- bantur, qui siue respondeant Christi Domini præceptis, quæ ipsi do- cent; siue repugnent ac reclamant; æque cordi habent, falsoque se prætextu rationis rectæ tuerentur.

Longius adhuc abeunt a vero tractandi iuris naturæ tramite, qui vt hominibus athéis gratificentur, suæque omnibus, quæcum- que de DEO ac religione sententiam sequantur, probent dogmata, ni- hil de DEO, nihil de religione, aut non ultra, quam quatenus con-

seruandi sunt in officio ciues, agunt & commentantur. Qui iuris naturæ limites tam arcte constringunt, vt pæne omnem eius vim extinguant. Honesto scilicet obtentu: ne temere conturbentur fines disciplinarum, & quæ theologiæ moralis partes sunt, doctrinæ dentur iuris naturalis.

Sed quisquis vero animo agnoscit Numen; quisquis huic reddendam singulorum rationem verborum credit: in docendis aliis, non quæ hominibus arideant, contemtoribus DEI, sed quæ nominis diuini gloria, & minime simulata postulat pietas, spectabit. Ducendi ad DEVM omni modo animi: nec id tentandum, quod ingeniis adhuc sinceris, sed minus cautis, possit nocere. Ac certe impios homines parum applaudere sententiis nostris, nullum vel crimen vel opprobrium habet: illud ira diuina, grauique supplicio dignum, eorundem iudicium prætulisse voluntati DEI.

Nequit iuris naturæ disciplina infitiari, quæ theologia de moribus statuit. Demus ergo hoc, quod sine errore concedi non potest: quæ de hominis erga DEVM officiis cognoscit humana ratio, ad naturæ ius haud pertinere. Num igitur nihil, aut parum referat, siue respicias ad Numinis existentiam, tanquam firmissimam hypothesin; siue, vt incertam, multisque expositam dubitationibus, in medio relinquantur? Num fas tibi erit, quia speciose disputari multa contra nouissimum iudicium videmus; tametsi teste Paulo apostolo, neminem illa excusent; ipsam vim iuris naturalis ad præsentem hanc vitam restringere?

Qui ius tractat naturæ, non inuadere quidem debet munus alium rerum doctoris, vt de his ex professo disputet: de cetero tamen ex scientia illa recte conclusiones petit, tanquam principia & fundamenta suorum dogmatum. Ergo ex theologia quoque sumere liceat, quæ tibi loco sint hypothesium: neque fas est, negare prorsus, aut tanquam dubium reicere, quod argumentis tam firmis ab illa traigitur, vt contraria sententia nec excusari ratione vlla, nec a quoquam sapientum vere possit approbari. Quanto igitur peccabis grauius, si vano prætextu declinandæ confusionis transeas, dum doces, quæ tui plane sunt mungeris?

Neque est, quod metuas, si Sacræ scripturæ in doctrina iuris naturalis locus detur, pro limpidis & homogeniis fontibus mixtum substitui genus, ultra fines tuæ scientiæ. Nam illud duntaxat agitur, vt quia constat, non posse rationem rectam præcipere aut vetare, quæ Christianis regulis prohibentur vel iubentur, facilius digno-

scamus, vera an falsa sit nostra ratio. Neque principia, & dogmata, quæ Christi præceptis aduersentur, iure dixeris ex fonte limpidio; sed qui sordibus potius inquinatus sit, profluere. Illa autem, quæ cum iis conueniunt, siue Christianus legat siue gentilis: singuli, qui non improbi, nec pertinaces sunt, agnoscent vim veritatis. Quin ex harmonia humanæ sapientiæ cum sacris oraculis, discant profani amare & venerari, quæ Christus Dominus, quæ Christi apostoli & sectatores docent ac præcipiunt.

Tandem neque est, quod postules, permitti te tibi, vt ex solo rationis lumine deriuēs, quæ naturæ iure sunt sancita; sed utrum postea cuius, ad Sacri codicis normam tuā examinandi, potestatem. Nam difficilius corriguntur, quæ publice iam peccaueris, quam vbi statim in oculis habes illam ex Christiana doctrina cynosuram: nec par est quiuis (vt omittam litigii, vbi tua obtinere contenderis, periculum) deprehendendis, atque emendandis tuis erroribus; quanto prouius, suo plurimio publicoque damno corrumpi.

Hisce cautionibus opus est, vt sincera nobis, nec grauibus, quamquam speciosis, temerata erroribus, iuris naturalis doctrina deatur. Quod in nullius monemus inuidiam; nec obtestandi, & alterationi vlli causam querendi libidine: neque enim facile cuiusquam animo contentiosum & refractarium omne scribendi genus minus sit gratum; sed solo veritatis studio, atque egregii publici, qualem à me muneris & olim gesti, & nunc mandati ratio exigit, cura iustissima. Posceret iam argumenti, initio propositi, series, vt de parentum in liberos, & eorum bona, maxime patris potestate ac iure, quantum in his naturæ ac gentium, itemque Romanorum leges, conueniant interposse aut discrepent, discereremus. Sed non occupanda sunt omnia: vt restet, quod & Candidatus noster exponat.

Produxit cum in lucem, anno elapsi sæculi tertio & octogesimo, v. Februarii, Lipsiæ vrbs, *sublimibus aurea rellis*, vt a Scaligero patre quondam laudabatur: in quam & Cyprum & Arabas, ipsaque sedibus suis euulsa Serum atque Indica regna, diceret conuenisse. Adde Parnasum, cum Themidos sacrario. Vt certent ibi commerciorum flos, & morum linguæque mirus nitor, cum omnis generis eruditione: in primis, ambigentibus de iure, certa, & per orbem celeberrima oracula edantur. Patri, viro nobilissimo consultissimoque; **ANDRÆ MYLIO**, in Academia ibidem antecessori & syndico, sed quatuor abhinc annis præmature erepto; qui hanc prolem suam ex **ELISABETHA**, consulis apud Illeburgenses prudentissimi, **IOANNIS**

FRI-

FRIDERICI, filia suscepit, superstiti hac etiamnum, & sexum suum omni virtutis genere ornante; singulare illud debet beneficium, ut præter perpetuam sollicitudinem, a teneris educationi suæ impensam, adolescente iam ætate ducem ad iurisprudentiam, & doctorem haberet sollertissimum. Ex quo enim tempore a clarissimo publicæ scholæ moderatore, **M. CHRISTIANO CRELLIO**, Lycei acroasibus satis præparatus; & studiosorum numero, parente tum Rectore magnifico, additus fuit, philosophiæ præceptis ab amplissimo **HARDIO** profesore imbutus: non tantummodo Institutiones Iustiniani, & Digestorum synopsis, cum feudali iure, itemque in foro procedendi ordinem, ex paterno hausit ore; sed illo quoque præunte, umbraticis velitationibus ingenium crebro exercuit. Sublato e vivis non filii modo, sed & reliquæ iuuentutis optimo ac celeberrimo ductore; ut suppleret noster, quod adhuc sibi deerat, priuata institutione veterani, & clari in hac arte *ὀνυγᾶ*, **IO. FRIDERICI MELEY**, vñs fuit: præcipue a consultissimo viro, **D. FRIDERICO PHILIPPI**, affine sibi colendo, cui & aliis nominibus est obnoxius, vltiore iudiciarii ordinis cognitione, quoque modo orandæ prudenter causæ essent, diligenter instructus. Neque sola docentium voce; qui error multorum est; proficiendum sibi arbitrabatur. Quare addidit & domesticam lectionem: aucta indies ex scriptoribus, impensius sibi commendatis, tum iuris privati, tum publici, itemque & vniuersalis illius, quo de supra egimus, eruditione. Postremo accincturus se foro, & ipso rerum vsu, quo nullus dilucidior est præceptorum omnium magister, verius roboraturus: iam pridem magnifico iureconsultorum in Academia Ordini se stitit: a quo, post tentata ex more studia sua, quum naliū luci non immatura deprehenderentur, honesto ornatus est honore. Inde causarum in Electoratu Saxonico patronis adscripsi, & consilio atque opera perentibus promptus; postquam res suas postulasse intellexit, ut ex Doctrinæ elogio decus sibi adderetur: nostrum iureconsultorum modeste adiuit Collegium. Examinatus gemina, ut fieri solet, vice, nec expectationi nostræ impar: suffragiis cunctis publica etiam, suæ in iure industriæ, iussus est specimina exhibere. Primum edet castini, ut significauimus, hora decima: estque ea res favore aut officio brevis auscultationis non indigna. Quam ne denegatis **MYLIO** nostro, animum deuorum gratumque pollicenti: vos, **PRORECTOR** Academiæ magnifice, **COMITES** illustrissimi, **Procures** ac **Profesores** omnium ordinum excellentissimi, & quotquot florem studiorum amatis, aut horum gratia apud nos agitis, est quod reuerenter, obsequentissime & amanter rogem. **P. P.** in Academia Ienensi, **XVI Maii MDCCVI.**